

**ՀԱՅԱՍՏԱՆԻ ԱՇԽԱՏԱՎՈՐՈՒԹՅԱՆ ԱՎԱՆԴ
ՀԱՅՐԵՆԱԿԱՆ ՄԵԾ ՊԱՏԵՐԱԶՄՈՒՄ ՏԱՐԱԾ ՀԱՂԹԱՆԱԿՈՒՄ
(1941—1945 թթ.)**

Պատմ. գիտ. դոկտոր Կ. Ա. ՀԱՐՈՒԹՅՈՒՆՅԱՆ

Հայ ժողովուրդը, հորհրդային Միության մյուս ժողովուրդների հետ միասին, ակտիվ մասնակցություն ունեցավ 1941—1945 թթ. Հայրենական մեծ պատերազմին: Նրա ավելի քան 500 հազար որդիներ և դուստրեր պատվով կատարեցին հայրենիքի հանդեպ ունեցած իրենց սրբազան պարտքը՝ արժանի ավանդ ներդրելով ֆաշիստական Գերմանիայի դեմ տարած հաղթանակում: Ավելի քան 200 հազար հայ ռազմիկներ զոհվեցին ռազմաճակատում, շուրջ 70 հազարը պարգևատրվեցին մարտական շքանշաններով ու մեդալներով, 100 հայերի շնորհվեց հորհրդային Միության հերոսի կոչում: Խորհրդային Միության մարշալ Հ. Ք. Բաղրամյանը և լեգենդար օդաչու, գվարդիայի փոխգնդապետ Ն. Դ. Ստեփանյանը այդ բարձր կոչմանն արժանացան կրկնակի, 27 հայ ռազմիկներ դարձան Փառքի շքանշանի բոլոր երեք աստիճանների լրիվ ասպետներ: Խորհրդային Միության մարշալի զորավարական բարձր կոչում շնորհվեց Հ. Ք. Բաղրամյանին, Խորհրդային Միության նավատորմի ծովակալի կոչում՝ Հ. Ս. Իսակովին, զրահատանկային զորքերի գլխավոր մարշալի կոչում՝ Հ. Խ. Բաբաջանյանին, ավիացիայի մարշալի կոչում՝ Ս. Ա. Խուդյակովին (Ա. Ա. Խանդերյանցին), ինժեներական զորքերի մարշալի կոչում՝ Ս. Ք. Աղանովին: Պատերազմի տարիներին Կարմիր բանակի շարքերում մարտնչել են 60 հայ զինեիրալներ: Հետպատերազմյան տարիներին զինեիրալական կոչման են արժանացել ևս 64, իսկ ծովակալի կոչման՝ 9 հայ ճակատայիններ: Պատերազմի ժամանակ հայ զորավարներից մեկը եղել է ռազմաճակատի, երեքը՝ բանակի, վեցը՝ կորպուսի, 22-ը՝ դիվիզիայի հրամանատարներ և այլն: Պատերազմի տարիներին 13 հայերի շնորհվել է Սոցիալիստական աշխատանքի հերոսի կոչում: Նրանցից երեքը այդ բարձր կոչմանն արժանացել են կրկնակի:

Ֆաշիզմի դեմ տարած հաղթանակի զործում իրենց արժանի ավանդը ներդրեցին նաև Խորհրդային Հայաստանի աշխատավորները: Առաջնորդվելով «Ամեն ինչ ռազմաճակատի համար, ամեն ինչ հաղթանակի համար» նշանաբանով, նրանք Հայաստանը վերածեցին Կարմիր բանակի զինանոցի, որտեղից ամեն օր երկաթուղային զնացքակազմերով ռազմաճակատ էր ուղարկվում զենք, զինամթերք, համազգեստ, սննդամթերք, մարդկային համալրումներ և այլն: Շնորհիվ Հայաստանի բանվորների, գյուղացիների և մտավորականության հերոսական աշխատանքի, պատերազմի տարիներին ռազմաճակատում մարտնչող հայ ռազմիկները մշտապես զգացել են թիկունքի աշխատողների աջակցությունը, ստացել նրանց ինչպես նյութական, այնպես էլ բարոյական օգնությունը:

Դեռևս պատերազմի առաջին շրջանում հայ ժողովուրդը հայրենասիրական նամակ-կոչով դիմեց ռազմաճակատում մարտնչող իր զավակներին: Նամակը ստորագրել էին 335316 մարդ, որոնց թվում նշանավոր գիտնականներ, գրողներ, նկարիչներ, բանվորներ, գյուղացիներ, դերասաններ, բժիշկներ և այլք: Այն տպագրվեց առանձին գրքուկով և ռազմաճակատ ուղարկվեց 1942 թ. աշնանը, 1943 թ. փետրվարի 27-ին նամակը հրապարակվեց

«Правда», «Известия», «Красная звезда», «Комсомольская правда» և բազմաթիվ այլ հանրապետական ու ռազմաճակատային թերթերում¹, Նամակը վառ կերպով արտահայտում էր հայ ժողովրդի հայրենասիրությունը, նրա նվիրվածությունը հայրենիքին: Այն հիշեցնում էր հայ ռազմիկներին հայ ժողովրդի դառն անցյալը, թուրքական բարբարոսների կողմից Արևմուտյան Հայաստանի բնիկ, խաղաղ հայ բնակչության 1915 թ. կոտորածների սև օրերը, ջարդեր, որ իրականացվեցին Թուրքիայի դաշնակից կայզերական Գերմանիայի հովանավորությամբ: Նամակը կոչ էր անում ամբողջ հոգով տալիս թշնամուն, ոչնչացնել ֆաշիստական զավթիչներին և միայն հաղթանակից հետո վերադառնալ տուն: «Հիշեցեք մեր ժողովրդի իմաստուն խոսքերը՝ «Զգիտակցված մահը՝ մահ է, գիտակցված մահը՝ անմահություն է», — նշված էր նամակում: Ժողովուրդն իր զավակներին պատմում էր այն հերոսական աշխատանքի մասին, որ կատարում էին Հայաստանի աշխատավորները՝ թշնամուն ջախջախելու համար: «Գիշեր ու ցերեկ մեր գործարանները աշխատում են, — նշված էր նամակում, — Հայաստանի բանվորներն ու բանվորուհիները հաղթահարում են ամեն մի դժվարություն, որ երկիրը լինի հարուստ և ուժեղ: Դուք զենքի և ռազմամթերքի պակաս չեք զգա: Մենք յուրացնում ենք արտադրանքի տասնյակ նոր տեսակներ, որպեսզի դիպուկ լինի ձեր կրակը և ձեր հարվածը՝ ոչնչացնող: Մեր կուլտուրեսային դաշտերում գիշեր ու ցերեկ եռում է աշխատանքը... Պատերազմի ընթացքում մեր դաշտերից հավաքում ենք շատ ավելի բերք, քան պատերազմից առաջ... Պատերազմի առաջին իսկ օրերից իր ամբողջ ուժերը ծառայության է գրել հայրենիքի պաշտպանության գործին նաև հայ մտավորականությունը, որ անխոնջ աշխատանքով, գիտության, գրականության և արվեստի զենքով օգնում է մեր արդար գործի հաղթանակին...»²:

Հայ ժողովրդի խոսքը ռազմաճակատում գտնվող իր զավակներին բազմամիլիոն տպաքանակով, ԽՍՀՄ ժողովուրդների լեզուներով, տարածվեց բոլոր ռազմաճակատներում, նամակի բովանդակությունը հասցվեց բոլոր զինվորներին ու հրամանատարներին: Հայ ռազմիկները, պատասխանելով հայ ժողովրդի կոչին, երգվում էին սրբության կատարել մայր-հայրենիքի պատվիրանները և ռազմաճակատից վերադառնալ միայն հաղթանակով³:

Չնայած ծանր պայմաններին, Հայաստանի արդյունաբերությունը Հայրենական մեծ պատերազմի ժամանակաշրջանում ոչ միայն կանգ չառավ և ոչ մի րոպե, այլև շարունակեց զարգանալ արագ թափով: Ռազմական նպատակների համար արտադրանք տալու հետ մեկտեղ, հանրապետության արդյունաբերությունը շարունակում էր կառուցել նոր ձեռնարկություններ և բնդայնել եռաժի կարողություններ: Հատկապես ուժեղ կերպով զարգացավ մետաղամշակման արդյունաբերությունը, որը հանրապետությունը համարում յուրեն: Շահառործման հանձնվեցին 30 նոր ձեռնարկություններ, որոնք թվում՝ ավիացիոն, կոմպոսիտորային, ժամացույցի, շարժիչավեռանոցի, սայլաշինական, թամբառործական ֆաբրիկաները և այլն: Բացի դրանից շահագործման հանձնվեցին 110 նոր առտադրամասեր, որոնց թվում՝ ապակու, ավտոկորդի, ձեռքի օճառի, լվացքի փողու, կրկնակողիկների արտադրամասերը և այլն:

Պատերազմի տարիներին յուրաքանչյուր 300 նոր տեսակի ապրանքների՝ որոնք թվում՝ 10 տեսակի գինեմթերքի, 2 տեսակ թենքի, 6 տեսակ կապի միջոցների, 47 տեսակ սայլա-գումակային տնտեսական և ուսապարկերի, 20

¹ Հայ ժողովրդի պատմություն. հ. VIII, Երևան, 1970, էջ 73—74:

² Հայ ժողովրդի խոսքը ռազմաճակատում գտնվող իր զավակներին. Երևան, 1943, էջ 20—27:

³ Հայ մարտիկների պատասխանը հայ ժողովրդին. Երևան, 1944, էջ 3:

տեսակ քիմիական նյութերի, 3 տեսակ ինժեներական գույքի, 6 տեսակ հրետանային գույքի, հրակայուն աղյուսի, ցեմենտի փոխակերպիչի, էլեկտրահալման եղանակով ստացվող ապակյա իրերի, ռետինատեխնիկական իրերի արտադրությունը և այլն⁴։ Արտագրվեց 233 հազար հատ 82 միլիմետրանոց բեկորային ական, 203 հազար հատ ավիացիոն ումբի պատյան, 167 հազար հատ ձեռքի նոնակի պատյան, 150 հազար հակատանկային ականի պատյան, 90 հազար հատ դուրավառ հեղուկով լցված շիշ և այլն⁵։

ԽՍՀՄ ավիացիոն արդյունաբերության ժողովրդական կոմիսարիատի Երևանի № 447 գործարանը սկզբում կատարում էր վնասված ինքնաթիռների նորոգման աշխատանքներ, ապա ձեռնամուխ եղավ «ՅԱԿ-3» կործանիչ ինքնաթիռի պահեստամասերի՝ թևերի, զետնի վրա շարժվելու հարմարանքի (շաստի) արտադրությանը, որոնք ուղարկվում էին Թբիլիսի՝ վերջնական հավաքման։ Պատերազմի վերջին տարում Երևանի № 447 գործարանը ձեռնամուխ եղավ «ՈւՏ-2Մ» թևթև ինքնաթիռի սերիական արտադրությանը⁶։ Երբեմնի Ձերթինսկու անվան հաստոցաշինական գործարանում յուրացվեց 50 միլիմետրանոց վաշտային ականանների սերիական արտադրությունը⁷։

Գերմանա-ֆաշիստական զավթիչների կողմից Ուկրաինայի օկուպացման, հետևապես նրա սողայի գործարանների շարքից դուրս գալու հետևանքով, Ադրբեջանի նավթարդյունաբերությանը կաուստիկ սողայով ապահովելու ողջ ծանրությունն ընկավ Հայաստանի քիմիական գործարանների ուսերին։ Առանց կաուստիկ սողայի հնարավոր չէր բենզինի, ռազմաճակատի համար խիստ կարևոր այդ վառելանյութի ստացումը, որը չափազանց անմար խիստ անհրաժեշտ էին հաղորդափոկներ, առանց որի հնարավոր չէր գործի գցել նավթահան պոմպերը։ Երևանի «Սովպրեն» քիմկոմբինատը և «Արդտեխնոսին» գործարանը լիովին բավարարեցին Ադրբեջանի նավթարդյունահանող արդյունաբերության Ֆարիքները։ Միայն Ալավերդու ծծմբաթթվային գործարանը պատերազմի տարիներին Ադրբեջանի նավթարդյունաբերությանը օրական տալիս էր 70 տոննա անհրաժեշտ ծծմբական թթու և այլն⁸։

Աշխատանքային համագործակցության բազմաթիվ օրինակներ կարելի է բերել Հայաստանի և Վրաստանի միջև։ Թբիլիսիի այն գործարանի համար, որտեղ հավաքվում էր Շպագինի ինքնաձիգը (ավտոմատ), շտապ հարկավոր էր քրոմի անհիդրիդ՝ ինքնաձիգի փողը քրոմապատելու համար։ Հայաստանի տեղական արդյունաբերության ժողովրդատը կարճ ժամանակաընթացքում ապահովեց անհրաժեշտ քանակությամբ քրոմի անհիդրիդի ուղարկումը Թբիլիսի։ Պատերազմի տարիներին Հայաստանի արդյունաբերությունը Խնդուրիի թղթի-ցելյուլոզայի կոմբինատին մատակարարում էր քլորակիր, որն առաջ ստացվում էր Ուկրաինայից։ Միության մեջ կոֆեին արտադրող միակ գործարանը, որը գտնվում էր Բաթումիում, անգործության էր մատնվել քլորոֆորմի բացակայության հետևանքով, որը բերվում էր Մոսկվայից։ Կոֆեինը հանդիսանում էր այն կարևորագույն դեղորայքներից մեկը, որն օգտագործվում էր Կարմիր բանակի դաշտային ու թիկունքային սանիտարական կազմակերպությունների և Առժողովրդատի հոսպիտալների կողմից։ Քլորոֆորմ կարելի էր ստանալ նաև Երևանի «Սովպրեն» քիմկոմբինատում, ինչը և կարճ ժամանակամիջոցում իրագործվեց։ Բաթումիի գործարանը սկսեց կարևոր արտադրանքի թողարկումը։

4 ՀՀ նորագույն պատմության պետական կենտրոնական արխիվ (ՀՀ ՆՊՊԿԱ), ֆ. 113, ց. 33 գ. 75, թթ. 33—34։

5 Նույն տեղում, թ. 3։

6 Նույն տեղում. 313, ց. 1, գ. 9, թթ. 103—104։

7 Նույն տեղում, ֆ. 113, ց. 33, գ. 8։

8 В. А. Мурадян. Компартия Армении в годы Великой Отечественной войны, Ереван, 1984, с. 166.

Պաշտպանական կարևոր նշանակություն ունեցավ Հայաստանի գոնավոր մետաղագործության արդյունավետ զարգացումը: Շնորհիվ նախապատերազմյան տարիներին իրագործված երկրաբանահետախուզական աշխատանքների, հանրապետության պղնձարգյունարների համար հայտնաբերվել էր հարուստ հումքային բազա, որը հնարավորություն տվեց արդեն պատերազմի տարիներին կտրուկ կերպով ավելացնել պղնձի և մյուս գունավոր մետաղների արտադրությունը, որոնց անհրաժեշտությունը խիստ մեծացել էր. Հայաստանը տարեկան արդյունահանում էր 450 հազար տոննա պղնձի հանքանյութ, արտադրում 8 հազար տոննա պղինձ⁹:

Արդյունաբերության մեջ աշխատող բանվորների (արդյունաբերության մեջ աշխատող բանվորների թիվը կազմում էր 30—35 հազար մարդ, Հայադիտհրհի արտեղներում աշխատողների թիվը՝ 8000, իսկ ամբողջ ժողովրդական տնտեսության մեջ, առանց գյուղատնտեսության, աշխատում էին ավելի քան 65 հազար կանայք) հերոսական ջանքերի շնորհիվ պատերազմի ժամանակ Հայաստանը տարեկան արտադրում էր շուրջ 100 հազար տոննա ցեմենտ, 90 հազար տոննա կարբիդ, 5 հազար տոննա կաուչուկ, 15 հազար լրակազմ ավտոդող և ավտոկամերա, 800 հազար զույգ կոշիկ, 25 միլիոն մետր գործվածք, 20 միլիոն տուփ պահածո, 40 հազար դեկալիտր կոնյակ, 600 հազար դեկալիտր գինի, 3000 տոննա ծխախոտ, 7500 տոննա միս և երշիկեղեն, շուրջ 6000 տոննա քարածուխ և այլն¹⁰:

Ֆաշիզմի դեմ տարած հաղթանակում իրենց արժանի ավանդը ներդրեցին նաև Հայաստանի գյուղատնտեսության աշխատավորները: Եթե հաշվի առնենք այն հանգամանքը, որ գյուղի աշխատավորության հիմնական մասը գտնվում էր գործող բանակի շարքերում և գյուղատնտեսական աշխատանքների ծանրությունը իրենց վրա էին վերցրել կանայք, մեծահասակներն ու երեխաները, ապա պարզ կդառնա այն հերավի հերոսական աշխատանքը, որ իրագործեցին նրանք պատերազմի տարիներին: 1942 թ. տվյալներով Հայաստանի կոլտնտեսություններում աշխատում էր 173267 կոլտնտեսական, որոնց կեսից ավելին կազմում էին կանայք: Փոխարինելով ռազմաճակատ մեկնած տղամարդկանց, նրանք տիրապետեցին զուտ տղամարդկային մասնագիտությունների, ինչպիսիք էին տրակտորիստի, կոմբայնավարի, ավտովարորդի և այլ մասնագիտությունները և դարձան իրենց գործի հմուտ վարպետներ: Քաղաքային բնակչությունից (ուսանողներ, աշակերտներ և այլն) գյուղատնտեսական աշխատանքներին մասնակցեցին ավելի քան 20000 մարդ:

Պատերազմի ծանր տարիներին կոլտնտեսային կարգը դրսևորեց իր առավելությունը անհատական մենատնտեսության նկատմամբ: Դաժան պայմաններում Հայաստանի 1035 կոլտնտեսություններ ու 15 խորհրդային տնտեսություններ արեցին ամեն ինչ, որպեսզի ռազմաճակատը, երկիրը ապահովեն անհրաժեշտ մթերքներով և հումքով: Հայաստանի կոլտնտեսականներն իրենց խնայողություններից 46 միլիոն ռուբլի հատկացրին «Հայաստանի կոլտնտեսական» տանկային շարասյան կառուցման համար, իսկ «Խորհրդային Հայաստան» մարտական ավիաէսկադրիլիայի ստեղծման համար՝ 21 միլիոն ռուբլի: Բոլոր տեսակի պետական պարտավորությունները կատարելուց հետո նրանք միայն 1943 թ. երկրե պաշտպանության ֆոնդին հատկացրին 130 հազար փութ հասահատիկ, մեծ քանակությամբ միս և գյուղատնտեսական այլ մթերքներ: Իսկ ընդհանուր առմամբ, Հայաստանի աշխատավորները պատերազմի տարիներին պաշտպանության ֆոնդի համար հավաքեցին 45 206 000 ռուբլի, կարմիր բանակի ֆոնդի համար՝ 85 841 000 ռուբլի, ռազմաճակատ ուղարկեցին 1 136 000 հատ տաք հագուստ, 206323

⁹ 22 ՆՊՊԿԱ, ֆ. 113, ց. 33, գ. 75, թթ. 32—33:

¹⁰ Նույն տեղում:

հատ անհատական ծանրոցներ, 45 վազոն զանազան մթերքներ և այլն¹¹։ Հայաստանի կոլտնտեսականները 1944 թ. պլանից դուրս Կարմիր բանակի ֆոնդ մուծեցին 200 հազար փութ հացահատիկ։ Հսկայական միջոցներ առանձնացվեցին Լենինգրադի, Ստալինգրադի, Օդեսայի և այլ ազատագրված շրջանների վերականգնման ֆոնդի համար։

Պատերազմի տարիներին հանրապետության ցանքատարածությունները ոչ միայն չնվազեցին, այլև ավելացան 27 հազար հեկտարով։ 1940 թ. այն կազմում էր 433,7 հազար հեկտար, իսկ 1945 թ. հասավ 460,7 հազար հեկտարի։ Հանրապետության կոլտնտեսությունները հատկապես մեծ աշխատանք կատարեցին տեխնիկական կուլտուրաների՝ ծխախոտի և շաքարի ճակնդեղի ցանքատարածությունները ավելացնելու համար։ Այսպես, եթե 1940 թ. ծխախոտի աճեցմանը հատկացված էր 5 հազար հեկտար, ապա 1945 թ. այն հասավ 8 հազար հեկտարի։ Բավականաչափ ավելացան նաև շաքարի ճակնդեղին հատկացված ցանքատարածությունները։ 1940 թ. համեմատաբար այն ավելացավ 1000 հեկտարով։ Պատերազմի տարիներին հացահատիկային կուլտուրաների բերքատվությունը մեկ հեկտարից միջին հաշվով ավելացավ 1,7 ցենտներով, կարտոֆիլինը՝ 25 ցենտներով։ 1940 թ. համեմատությամբ խաղողի այգիների տարածքը ավելացավ 3 հազար հեկտարով, պղտու հատու այգիներինը՝ 5 հազար հեկտարով։

Հայրենական մեծ պատերազմի տարիներին հանրապետությունում շաքունակում էր զարգանալ համայնական անասնապահությունը։ 1941 թ. հունվարի 1-ից մինչև 1945 թ. հունվարի 1-ը խոշոր եղջերավոր անասունների գլխաքանակը ավելացավ 11200 գլխով, այսինքն, կազմեց 340 հազար գլուխ, ոչխարների ու այծերի գլխաքանակն ավելացավ 196135 գլխով, դառնալով ավելի քան 360 հազար գլուխ։ Անասունների գլխաքանակի ավելանալու հետ մեկտեղ բարձրացավ և նրա մթերատվությունը, բարելավվեց անասնահոտի ազնվացեղությունը։ Պատերազմի 4 տարիների ընթացքում յուրաքանչյուր կաթնատու կովի մթերատվությունը ավելացավ 7 լիտրով, իսկ ոչխարինը՝ 3 լիտրով։ Ավելացավ նաև խոզերի գլխաքանակը մինչև 45 հազար։ Այդ ամենը հնարավորություն տվեց գյուղի աշխատավորներին մշտապես կատարելու Կարմիր բանակի մսի ֆոնդի պլանը, որը կազմում էր տարեկան 20 հազար ցենտներ¹²։

Հայաստանը համարվում էր այն հանրապետություններից, որոնք հացը հիմնականում ստանում էին երկրի այլ շրջաններից։ Պատերազմի տարիներին հացի ներմուծումը հասավ նվազագույնի, իսկ հացի պահանջը բավարարվում էր սեփական արտադրության հաշվին։

Ֆաշիզմի դեմ տարած հաղթանակում իր արժանի ավանդը ներդրեց նաև հորհրդային Հայաստանի մտավորականությունը։ Հայաստանն աղքատ էր վառելիքով, երկրաբանները հայտնաբերեցին տորֆի տասնյակ հանքավայրեր, նշեցին Ջաջուտի քարածխի հարստացման եղանակը, քիմիկոսների հետ միասին կազմակերպեցին տորֆի կոքսացումը։ Հիշեցնենք, որ պատերազմի տարիներին Հայաստանում արդյունահանվում էր տարեկան 6000 տոննա քարածուխ։ Հայաստանի քիմիկոսները հանրապետությունում հայտնաբերեցին հումք՝ ռազմական արդյունաբերության համար խիստ անհրաժեշտ քլորական ալյումին աղտադրելու համար, սկսեցին պաշտպանական դուլնի հուլժ կարևոր ներկի արտադրությունը կտորեղենի համար և այլն։ Պատերազմի առաջին տարիներին ականավոր աստրոֆիզիկոս Վ. Հ. Համբարձումյանը առաջ քաշեց պղտոր միջավայրում լույսի սփռման նոր տեսությունը, որը կիրառական նշանակություն ուներ ռազմական գործում։ Այդ հայտնագործու-

11 ՀՀ ԳԱԱ պատմության ինստիտուտի Հայրենական մեծ պատերազմի պատմության կահնակի արխիվ, ֆ. 240, գ. 1, թթ. 22-23։

12 Советская Армения в годы Великой Отечественной войны (1941-1945 гг.). Сборник документов и материалов. Ереван, 1975, с. 313-320.

թիւն համար գիտնականն արժանացավ ԽՍՀՄ առաջին կարգի պետական մրցանակի: Ֆիզիոլոգ Էդրաս Հասարթյանը ստեղծեց հատուկ հակացնցակաթվածային լուծույթ, որը հաջողութեամբ կիրառվեց ռազմաճակատային պայմաններում: Նշանակալից հաջողություններ ձեռք բերվեցին տիեզերական ճառագայթների ուսումնասիրման բնագավառում: Հետազոտության ղեկավարներ Ա. Ի. Ալիխանովին և Ա. Ի. Ալիխանյանին շնորհվեց առաջին կարգի պետական մրցանակ: Հանրապետության գիտնականների մի ստվար ջոկատ աշխատում էր դաշտերի ու այգիների բերքատվության բարձրացման ուղղությամբ: Հումանիտար գիտությունների ներկայացուցիչները՝ Հայաստանի պատմաբանները, տնտեսագետները, փիլիսոփաները, գրականագետները, լեզվաբանները ամենօրյա գործնական մասնակցություն ունեցան ռազմա-դաստիարակչական աշխատանքներին, հանդես եկան զեկուցումներով ու դասախոսություններով, դրեցին գրքույկներ ու հոդվածներ, որոնք տոգորված էին հայրենասիրական ոգով ու թշնամու նկատմամբ անողորմ ատելությամբ: Հանրապետության, գիտահետազոտական հիմնարկների ղեկավարությունը մի միասնական ղեկավար կենտրոնում միավորելու և գիտական աշխատանքի ավելի նպատակասլաց զարգացումն ապահովելու համար ԽՍՀՄ ԳԱ Հայկական մասնաճյուղի հիման վրա 1943 թ. նոյեմբերի 10-ին Երևանում կազմակերպվեց Հայաստանի գիտությունների ակադեմիան¹³: Նրա պրեզիդենտ ընտրվեց խորհրդային ականավոր գիտնական, պատմաբան-արևելագետ Հովսեփ Օրբելին:

Հայաստանի ԳԱ-ի ստեղծումը կարևոր դեր խաղաց Հայկական ԽՍՀ-ում գիտություն զարգացման համար: Պատերազմի առաջին տարիներին Հայաստանի գիտնականների սկսած գիտահետազոտական աշխատանքներն ընդունեցին ավելի խոր, ավելի արդյունավետ բնույթ: Նրանց հայտնագործությունները նպաստեցին երկրի պաշտպանական հզորության հետագա ամրապնդմանը, ռազմաճակատի կարիքների ավելի լավ ապահովմանը: Հայաստանի գիտությունների ակադեմիան ակադեմիկոս Հովսեփ Օրբելու խմբագրությամբ հրատարակեց մատենաշար՝ նվիրված հայ ժողովրդի հերոսական անցյալին, նրա ազգային հերոսներին, ռուսական և խորհրդային բանակի հայ զորավարներին ու զենքավորներին: Այդ գրքույկները լայն տարածում գտան հայ ռազմիկների շրջանում և կարևոր դեր խաղացին նրանց հայրենասիրական դաստիարակության գործում:

Խոսելով Հայրենական մեծ պատերազմում ֆաշիզմի դեմ տարած հաղթանակում Հայաստանի աշխատավորության ներդրած ավանդի մասին, չի կարելի չհիշել, թե ինչ աշխատանքներ տարվեցին հանրապետությունում դինվորական մասնագետ կադրեր պատրաստելու ուղղությամբ: Դեռևս 1939 թ. սեպտեմբերին Երևանում բացվեց № 17 հրետանային դպրոցը, որտեղ 1941 թ. սովորում էին 630 կուրսանտներ¹⁴: Դպրոցն իր առաջին շրջանավարտները տվեց Կովկասի ճակատամարտի ծանր օրերին: 1940 թ. Երևանում բացվեց ռազմաօդային ուժերի միջնակարգ դպրոց, որտեղ սովորում էին 600 կուրսանտներ¹⁵: Դպրոցը նույնպես իր առաջին շրջանավարտները տվեց Կովկասի ճակատամարտի օրերին: Օդաչուական կադրեր էին պատրաստվում նաև Երևանի ու Լենինականի անրոակումբներում¹⁶:

Հաղթանակի գործում արժանի ավանդ ներդրեցին նաև Հայաստանի առողջապահության բնագավառի աշխատողները: Պատերազմի տարիներին

¹³ ՀՀ Հասարակական քաղաքական կազմակերպությունների փաստաթղթերի պետական կենտրոնական արխիվ (ՀՀ ՀՔԿՓ ՊԿԱ), ֆ. 1, ց. 32, գ. 27, թ. 69:

¹⁴ ՀՀ ՆՊՊԿԱ, ֆ. 113, ց. 8, գ. 11, թթ. 33—35:

¹⁵ Նույն տեղում, թ. 39:

¹⁶ Նույն տեղում, ց. 26, գ. 138, թթ. 1—15:

Հանրապետությունում գործող 94 հիվանդանոցներում և 25 հոսպիտալներում բուժվեցին ավելի քան 120 հազար վիրավոր զինվորներ ու սպաներ:

Կարելի է դեռ շատ օրինակներ բերել ցույց տալու համար, որ Հայաստանի աշխատավորները, չնայած ապրուստի ծանր պայմաններին, սովին, ցրտին ու ոաղմաճակատից ստացվող ամենօրյա «սև թղթերին», գիշեր-ցերեկ աշխատում էին գործարաններում, հանքերում, կոլտնտեսային դաշտերում և իրենց հերոսական գործով ամեն ինչ անում ոաղմաճակատի հաղթանակի համար: Հայրենիքը բարձր գնահատեց խորհրդային Հայաստանի աշխատավորների ծառայությունը, նրանցից 400 հազար հոգու պարգևատրելով «1941—1945 թթ. Հայրենական մեծ պատերազմում կատարած անձնվեր աշխատանքի համար», իսկ ավելի քան 17 հազարին՝ «Կովկասի պաշտպանության համար» մեդալներով: Հազարավոր բանվորներ, կոլտնտեսականներ, գրողներ, կոմպոզիտորներ, թիկունքի այլ աշխատավորներ պարգևատրվեցին տարբեր մեդալներով ու շքանշաններով, իսկ առավել աչքի ընկածները արժանացան պետական մրցանակների, պատվավոր կոչումների և այլն: Նրանք պատերազմի տարիներին, հաղթահարելով ամեն տեսակ դժվարություններ, կրելով բազմաթիվ զրկանքներ, աշխատեցին իրենց և ոաղմաճակատում մարտնչող հարազատների փոխարեն ու իրենց հերոսական աշխատանքով արժանի ավանդ ներդրեցին Հայրենական մեծ պատերազմում ֆաշիզմի դեմ տարած հաղթանակում:

ВКЛАД ТРУДЯЩИХСЯ АРМЕНИИ В ПОБЕДУ В ВЕЛИКОЙ ОТЕЧЕСТВЕННОЙ ВОЙНЕ (1941—1945 гг.)

Доктор ист. наук К. А. АРУТЮНЯН

Р е з ю м е

Армянский народ принял активное участие в Великой Отечественной войне Советского Союза в 1941—1945 гг. Более 500 тысяч его сыновей и дочерей вместе с русскими, украинцами, белорусами, узбеками, казахами и другими народами СССР с честью выполнили на фронте свой священный долг перед Родиной и внесли достойный вклад в победу над фашизмом. Свыше 200 тысяч воинов-армян погибли на фронте, 70 тысяч были награждены боевыми орденами и медалями. 100 армян получили звание Героя Советского Союза, а маршал Советского Союза И. Х. Баграмян и прославленный летчик, гвардии подполковник Н. Г. Степанян, были удостоены этого высокого звания дважды, 27 воинов-армян стали полными кавалерами ордена Славы всех трех степеней. Достойную лепту в дело победы над фашизмом внесли и труженики тыла Советской Армении. Руководствуясь девизом «Все для фронта, все для победы» — они превратили Армению в военный лагерь, арсенал Красной Армии, откуда каждый день железнодорожными эшелонами на фронт отправлялись оружие, боеприпасы, обмундирование и т. д. Промышленность республики за время войны освоила производство 300 видов новых изделий: боеприпасов, оружия, средств связи, обозно-хозяйственное имущество и др. Героическими усилиями тружеников сельского хозяйства продукция сельскохозяйственного производства, площадь посевных и поголовье скота не только не сократились, но и повысились. Большой вклад внесли и интеллигенция Советской Армении. Созданная в ноябре 1943 г. Академия наук Армении способствовала дальнейшему усилению оборонной

мощи страны, лучшему обеспечению нужд фронта, сыграла важную роль в деле военно-патриотического воспитания воинов-армян. За счет сбережений трудящихся республики были построены танковые колонны: «Колхозник Армении», «Запгезурский горняк», «Комсомолец Армении», «Давид Сасунский», авиаэскадрильи: «Советская Армения», «Физкультурник Армении», отправлено на фронт: теплая одежда в количестве 1 136 000 шт., индивидуальные посылки — 206 323 шт., продукты — 45 вагонов, внесены в фонд обороны — 45 206 000 руб., в фонд Красной Армии — 85 841 000 руб. и многое другое. Родина высоко оценила заслуги труженников Армении, наградив более 400 тысяч человек медалью «За доблестный труд в Великой Отечественной войне 1941—1945 гг.» и более 17 тысяч — медалью «За оборону Кавказа». 13 армян были удостоены звания Героя Социалистического Труда, трое из них были удостоены этого высокого звания дважды.